



## Akcija u Laktašima i Bosanskoj Gradišci



### Uhapšena šestorka zbog zločina na području Sanskog Mosta

Postupajući prema naredbi Tužilaštva BiH, policijski službenici Državne agencije za istrage i zaštitu (SIPA) jučer su u ranim jutarnjim satima na području Laktaša i Bosanske Gradiške uhapsili šest osoba zbog ratnog zločina.

Uhapšeni su D. P. (56), D. V. (47), S. Č. (47), B. Č. (54), R. D. (49) i M. P. (45) zbog postojanja osnova sumnje da su u julu 1992. godine na području općine Sanski Most počinili krivično djelo ratni zločin protiv civilnog stanovništva.

Kako saznajemo, riječ je o Dragi Predojeviću, Dragutinu Vukšiću, Simi Čurguzu, Bošku Čurguzu, Ranku Došenoviću i Miroslavu Paniću. Oni se sumnjiče da su prilikom nezakonitog privođenja bošnjačkih civila na lokaciji Kisak kod Fajtovaca iz automatskog oružja pucali u grupu od 20 mještana sela Fajtovci. Pri tome je jedna osoba ubijena, a više njih teško ranjeno. Uhapšeni se sumnjiče i za zlostavljanja, teška premlaćivanja te za protupravna lišenja slobode.

*M.D.*